

四庫全書

史部

欽定四庫全書

史部

舊唐書卷三十一

詳校官編修_臣曹城

洗馬_臣王坦修覆勘

覆校官主事_臣李駿

校對官中書_臣朱圻

謄錄監生_臣曹元慶

欽定四庫全書

舊唐書卷三十一

後晉司空同中書門下平章事劉 昫撰

志第十一

音樂四

享太廟樂章十三首

貞觀中魏徵
褚遂良作

迎神用永和

黃鐘宮三成
大呂角二成太簇
二成應鐘羽二成
總九變同用

於穆烈祖弘此丕基永言配命子孫保之百神既洽萬

國在茲是用孝享神其格思

皇帝行用太和

詞同冬至圖丘

登歌酌鬯用肅和

夾鍾均之黃鍾羽

大哉至德允茲明聖格于上下聿遵誠敬喜樂斯登鳴球以詠神其降止式隆景命

迎俎用雍和

崇茲享祀誠敬兼至樂以感靈禮以昭事潔盛咸潔牲粢孔備永言孝思庶幾不匱

皇祖宣簡公酌獻用長發

無射宮

睿哲惟唐長發其祥帝命斯祐王業克昌配天載德就日重光本枝百代申錫無疆

皇祖懿王酌獻用長發

同前詞黃鍾宮

太祖景皇帝酌獻用大基

太簇宮

猗歟祖業皇矣帝先翦商德厚封唐慶延在姬猶稷方晉踰宣基我鼎運於斯萬年

世祖元皇帝酌獻用大成

姑洗宮

周稱王季晉美帝文明明盛德穆穆齊芬藏用四履屈
道三分鏗鏘鐘石載紀鴻勳

高祖大武皇帝酌獻用大明

黷賓
宮

五紀更運三正遞昇勛華既沒禹湯勃興神武命代靈
睠是膺望雲彰德察緯告徵上紐天維下安地軸徵師
涿野萬國咸服偃伯靈臺九宮允穆殊域委賁懷生介
福大禮既飾大樂已和黑章擾圉赤字浮河功宣載籍
德被詠歌克昌厥後百祿是荷

皇帝飲福用壽和

八音斯奏三獻畢陳寶祚惟永暉光日新

送文舞出迎武舞入用舒和

聖敬通神光七廟靈心薦祚和萬方嚴禋克配鴻基遠
明德惟馨鳳曆昌

武舞用凱安

詞同冬至圖丘

徹俎用雍和

於穆清廟聿修嚴祀四縣載陳三獻斯止籩豆徹薦人

祇介祉神惟格思錫祚不已

送神用永和

肅肅清祀蒸蒸孝思薦享昭備虔恭在茲雍歌徹俎祝
嘏陳辭用光武至永固鴻基

又享太廟樂章五首

永徽已後續撰不詳撰者

太宗文皇帝酌獻用崇德

夷則宮永徽元年造

五運改卜千齡啓聖彤雲曉聚黃星夜映葉闡珠囊基

開玉鏡

後為圖開

下臨萬寓上齊七政霧開三象塵清九服

海濂星暉遠安邇肅天地交泰華夷輯睦翔泳歸仁中
外禔福績踰黜夏勲高翦商武陳七德刑設三章祥禽
巢閣仁獸遊梁十年惟永景福無疆

高宗天皇帝酌獻用鈞天

黃鐘宮光宅元年造

承天撫籙纂聖登皇遐清萬寓仰協三光功成日用道
濟時康璇圖載永寶曆斯昌日月揚暉烟雲爛色河岳
修貢神祇效職舜風攸偃堯曦先就睿感通寰孝思浹
宙奉揚先德虔遵曩狩展義天局飛英雲岫化逸王表

神凝帝先乘雲厭俗馭日登玄

中宗孝和皇帝酌獻用太和

太簇宮景雲元年造

廣樂既備嘉薦既新述先惟德孝饗惟親七獻具舉五齊畢陳錫茲祚福於萬斯春

睿宗大聖貞皇帝酌獻用景雲

黃鐘宮開元四年造

惟睿作聖惟聖登皇精感耀魄時膺會昌舜慙大孝堯
推讓王能事斯極振古誰方文明履運車書同軌巍巍
赫赫盡善盡美衢室凝旒大庭端宸釋負之寄事光復

子脫屣高天登遐上玄龍湖超忽象野芊綿遊衣複道
薦果初年新廟奕奕明德配天

皇祖宣皇帝酌獻用光大

無射宮舊樂章宣光二
宮同用長發其詞亦同

開元十年始定宣帝
用光大詞更別造

大業龍社徽音駿尊潛居皇德赫嗣天昆展儀宗祖重
誠孝孫春秋無極享奏存存

又享太廟樂章三首

太樂舊有此
詞不詳所起

迎神

黃鐘宮太呂角太簇
徵應鐘羽並同此詞

七廟觀德百靈攸仰俗荷財成物資含養道光執契化
寵提象肅肅雍雍神其來享

金奏

無射宮
次迎神

肅肅清廟巍巍盛唐配天立極累聖重光樂和管磬禮
備蒸嘗永為來格降福無疆

送神

五聲備奏三獻終祠車移鳳輦旆轉虹旗禮用籩豆誠
效虔祇皇靈徙蹕簪紳拜辭

則天皇后享清廟樂章十首

第一

建清廟贊玄功擇吉日展禋宗樂已變禮方崇望神駕
降仙宮

第二

隆周創業寶命惟新敬宗茂典爰表虔禋聲明已備文
物斯陳肅容如在懇志方申

第三登歌

肅敷大禮上謁尊靈敬陳筐幣載表丹誠

第四迎神

敬奠蘋藻式罄虔襟潔誠斯展佇降靈歆

第五飲福

爰陳玉醴式奠瓊漿靈心有穆介福無疆

第六送文舞

帝圖草創王業初開功高佐命業贊雲雷

第七迎武舞

赫赫玄功被穹壤皇皇至德洽生靈開基撥亂祆氛廓
佐命宣威海內清

第八武舞作

荷恩承顧託執契恭臨撫廟略靜邊荒天兵耀神武

第九徹俎

登歌已闋獻禮方周欽承景福肅奉鴻休

第十送神

大禮言畢仙衛將歸莫申丹懇空瞻紫微

中宗孝和皇帝神龍元年享太廟樂章二十首

不詳所撰

迎神用嚴和

黃鐘宮三成大呂角三成太簇徵三成應鐘羽二成同用此詞

肅肅清廟赫赫玄猷功高萬古化奄十洲中興丕業上
荷天休祇奉先構禮被懷柔

皇帝行用昇和

黃鐘宮

顧惟菲薄纂歷應斯中外同軌夷狄來思樂用崇德禮
以陳詞夕惕若厲欽奉宏基

登歌裸鬯用虔和

大呂均之無射羽

禮標薦鬯肅事祠庭敬申如在敢託非馨

送文舞出迎武舞入用同和

太簇同

惟聖配天敷盛禮惟天為大闡洪名恭裡展敬光先德
蘋藻申虔表志誠

武舞用寧和

林鐘徵

炎馭失天綱土德承天命英猷被寰宇懿躅隆邦政七
德已綏邊九夷咸底定景化覃遐邇深仁洽翔泳

徹俎用恭和

大呂均之
無射羽

禮周三獻樂闋九成肅承靈福悚惕兼盈

送神用通和

黃鐘宮

祠容既畢仙座爰興停停鳳舉靄靄雲昇長隆寶運永錫休徵福覃貺厥恩被黎烝

皇后助享皇后行用正和

黃鐘宮詞同貞觀中宮朝會正和

登歌奠鬯用昭和

大呂均之無射羽

道洽二儀交泰時休四寓和平環珮肅於庭實鐘石揚乎頌聲

皇后酌獻飲酒用誠敬

黃鐘宮

顧惟菲質忝位椒宮虔奉蘋藻肅事神宗敢申誠潔庶
罄深衷睟容有裕靈享無窮

撤俎用肅和

大呂均之
無射羽

月禮已周雲和將變爰獻其醑載遷其奠明德逾隆非
馨是薦澤霑動植仁覃寓縣

送神用昭感

黃鐘羽

鏗鐸韶濩肅穆神容洪規赫赫祠典雍雍已周三獻將

乘六龍虔誠有託懇志無從

玄宗開元七年享太廟樂章十六首

左丞相燕國公張說作

迎神用永和三章

肅九室諧八音歌皇慕動神心禮宿設樂妙尋聲明備
裸奠臨

律逐氣音入玄依玉几御黼筵聆愾息優周旋九韶遍
百福傳

信工祝永頌聲來祖考聽和平相百辟貢九瀛神休委

帝孝成

皇帝行用太和一章

時文聖后清廟肅邕致誠勤薦在貌思恭玉節肆夏金
鐸五鐘繩繩雲步穆穆天容

登歌酌瓚用肅和一章

天子孝享工歌溥將躬裸鬱鬯乃焚膋蕝臭以達陰聲
以求陽奉時烝嘗永代不忘

迎俎雍和二章

在滌嘉泰麗碑敬牲角握之壯色純之駢火傳陽燧水
漑陰精太公胖俎傳說和羹

俎豆有馥齋盛絜豐亦有和羹既戒既平鼓鐘管磬肅
唱和鳴皇皇后祖賚我思成

皇帝酌醴齊用文舞一章

聖謩九德貞言五千慶集昌胤符開帝先高文杖鉞克
配彼天三宗握鏡六合煥然帝其承祀率禮罔愆圖書
霧出日月清懸舞形德類詠諡功傳黃龍蜿蜒綵雲蹕

躔五行氣順八佾風宣介此百祿於皇萬年

獻祖宣皇帝室奠獻用光大之舞一章

肅肅藝祖滔滔濬源有雄王劒作鎮金門玄王貽緒后稷謀孫肇禋九廟四海來尊

懿祖光皇帝室奠獻用長發之舞一章

具禮崇德備樂承風魏推幢主周贈司空不行而至無成有終神興王業天歸帝功

太祖景皇帝室奠獻用大政之舞一章

於赫元命權輿帝文天齊八柱地半三分宗廟觀德笙
鏞樂勲封唐之兆成天下君

代祖元皇帝室奠獻用大成之舞一章

帝舞李歷襲聖生昌后歌有螭胎炎孕黃天地合德日
月齊光肅邕孝享祚我萬方

高祖神堯皇帝室奠獻用大明之舞一章

赤精亂德四海困窮黃旗舉義三靈會同早望春雨雲
披大風溥天來助高祖之功

太宗文武聖皇帝室奠獻用崇德之舞一章

皇合一德朝宗百神削平天下大拯生人上帝配食單
于入臣戎歌陳舞曄曄震震

高宗天皇大帝室奠獻用鈞天之舞一章

高皇邁道端拱無為化懷獯鬻兵戢勾驪禮尊封禪樂
盛來儀合位媯后同稱伏羲

中宗孝和皇帝室奠獻用太和之舞一章

退居江水鬱起丹陵禮物還舊朝章中興龍圖友及駿

命恭膺鳴球香瓚大糖是承

睿宗大聖皇帝室奠獻用景雲之舞一章

景雲霏爛告我帝符噫帝冲德與天為徒笙鏞遙遠俎
豆虛無春秋孝獻廻復此都

又享太廟樂章十四首

玄宗至道大聖大明孝皇帝室奠獻用廣運之舞

一章

司徒兼中書令汾陽郡王郭子儀撰

於赫皇祖昭明有融惟文之德惟武之功河海寧謐車

書混同度恭孝饗穆穆玄風

肅宗文明武德大聖大宣孝皇帝室奠獻用惟新

之舞一章

吏部尚書平章事
彭城郡公劉晏撰

漢祚惟永神功中興風驅氛祲天覆叅烝三光再朗庶
績其凝重熙累葉景命是膺

皇帝飲福受脤用福和一章

備禮用樂崇親致尊誠通慈降敬徹愛存獻懷稱壽啐
感承恩皇帝好德子孫千億大包天域長亘不極

送文舞出迎武舞入一章

六鐘翕協六變成八佾徜徉八風生樂九韶今人神感
美七德兮天地清

亞獻終獻行事武舞用凱安四章

瑟彼瑤爵亞維上公室如屏氣門不容躬禮殷其本樂
執其中聖皇永慕天地幽通

禮匝三獻樂遍九成降循軒陛仰款皇情福與仁合德
因孝明百年神畏四海風行

總總千戚填填鼓鐘奮揚增氣坐作為容離若鷺爲合
如戰龍萬方觀德肅肅邕邕

烈祖順三靈文宗威四海黃鉞誅群盜朱旗掃多罪戢
兵天下安約法人心改大哉千羽意長見風雲在

徹豆登歌一章

上笙磬徹豆遶廓無響窅入玄主在室神在天情餘慕
禮罔愆喜泰稷屢豐年

送神一章

眇嘉樂授靈爽感若來思如往休氣散迴風上返寂寞
還惚恍懷靈駕結空想

代宗睿文孝武皇帝室奠獻用保大之舞一章

尚父

郭子儀撰

於穆文考聖神昭彰肅勻羣慝含光遠方萬物茂遂九
夷賓王悃悃雲韶德音不忘

德宗神武孝文皇帝室奠獻用文明之舞一章

尚書

左丞平章事
鄭餘慶撰

開邸除暴時邁勛尊三元告命四極駿奔金枝翠葉輝
燭瑤琨象德億載貽慶湯孫

順宗至德大聖大安孝皇帝室奠獻用大順之舞

一章

中書侍郎平章事鄭絪撰

於穆時文受天明命允恭玄默化成理定出震嗣德應
乾傳聖猗歟緝熙千億流慶

憲宗聖神章武孝皇帝室奠獻用象德之舞一章

中書侍郎平章

事段文昌撰

肅肅清廟登顯至德澤周八荒兵定四極生物咸遂羣
盜滅息明聖欽承子孫千億

儀坤廟樂章十二首

迎神用永和

林鍾宮散騎常侍昭
文館學士徐彥伯作

猗若清廟肅肅熒熒國薦嚴祀坤輿淑靈有几在室有
樂在庭臨茲孝享百祿惟寧

金奏

夷則宮不詳作
者一本無此章

陰靈効祉軒曜降精祥符淑氣慶集柔明瑤俎既列雕

桐發聲徽猷永遠比德皇英

皇帝行用太和

黃鍾宮左諭德昭文館學士邱說撰

孝哉我后冲乎迺聖道映重華德輝文命慕深視篋情
殷撫鏡萬國移風兆人承慶

酌獻登歌用肅和

仲呂均之太簇羽一云蕤賓均之夾鍾羽太子洗馬昭文館學

士張齊

賢撰

裸圭既濯鬱鬯既陳畫翬雲舉黃流玉醇儀充獻酌禮
盛衆裡地察惟孝愉焉饗親

迎俎用雍和

姑洗羽太中大夫昭文館學士鄭善玉作

酌鬱既灌取蕭方藝籩豆靜嘉簋簠芬飮魚腊薦美牲
拑表潔是戢是將載迎載列

肅明皇后酌獻用昭和

林鐘宮禮部尚書昭文館學士薛稷作

陽靈配德陰魄昭升堯壇鳳下漢室龍興覩天作對前
旒是凝化行南國道盛西陵造舟集灌無得而稱我粢
既潔我醴既澄陰陰靈廟光靈若憑德馨惟饗孝思蒸
蒸

昭成皇后室酌獻用坤貞

不詳作者

乾道既亨坤元以貞肅雍攸在輔佐斯成外睦九族內
光一庭克生睿哲祚我休明欽若徽範悠哉淑靈建茲
清宮于彼上京縮茅以獻潔粢惟馨實受其福期乎億
齡

飲福用壽和

黃鍾宮太子詹事崇文館學士徐堅作

於穆清廟肅雍嚴祀合福受釐介以繁祉

送文舞出迎武舞入用舒和

南呂商銀青光祿大夫崇文館學士胡雄

作

送文迎武遞參差一始一終光聖儀四海生人歌有慶
千齡孝享肅無虧

武舞用安和

太簇徵祕書少監崇文館學士劉子玄作

妙算申帷幄神謀出廟庭西階文物備七德武功成校
獵長楊苑屯軍細柳營將軍獻凱入歌舞溢重城

徹俎用雍和

蕤賓均之夾鐘羽銀青光祿大夫崇文館學士員半千作

孝享云畢維徹有章雲感玄羽風悽素商瞻望神座祇

戀匪遑禮終樂闋肅雍鏘鏘

送神

林鍾宮金紫光祿大夫
崇文館學士祝欽明作

閔宮實實清廟微微降格無象馨香有依式昭纂慶方
融嗣徽明裡是享神保聿歸

又儀坤廟樂章二首

太樂又有一本與前本畧同
二章不同如左不詳撰者

迎神

一本有此章而
無徐彥伯之詞

月靈降德坤元授光娥英比秀姪姒均芳瑤臺薦祉金
屋延祥迎神有樂歆此嘉鄉

送神

一本有此章而無祝欽明之詞

玉帛儀大金絲奏廣靈應有宇冥徵不棄降彼休福歌
茲裡享送樂有章神麾其上

昭德皇后室酌獻用坤元樂章九首

內出

迎神用永和

穆清廟薦嚴裡昭禮備和樂新望靈光集元辰祚無極
享萬春

登歌用肅和

誠心達娛樂分升蕭骨鬱氛氲茅既縮鬯既薰
福如雲
後來思

迎俎用雍和

我將我享盡明而誠載芬黍稷載滌犧牲懿
邦以貞心乎愛敬若覩容聲
矣元良萬

酌獻用坤元

於穆先后儼聖稱崇母臨萬寓道被六宮昌
內成功殷薦明德傳芳國風
時協慶理

送文舞出迎武舞入用舒和

金枝羽部輟清歌
瑤堂肅穆笙磬羅諧音
遍響合明意
萬類昭融靈應多

武舞用凱安

辰位列四星帝功參十亂
進賢勤內輔扈蹕清多難
承天厚載均並曜宵火燦
留徽藹前躅萬古披圖煥

徹俎用雍和

公尸既起享禮載終稱歌
進徹盡敬由衷澤流惠下大

小咸同

送神用永和

昭事終幽享餘移月御返仙居璇庭寂靈幄虛顧徘徊
感皇儲

孝敬皇帝廟樂章九首

迎神用永和

詞同貞觀
太廟永和

皇帝行用太和

詞同貞觀
太廟太和

登歌酌鬯用肅和

詞同貞觀
太廟肅和

迎俎用雍和

詞同貞觀
太廟

雍和酌獻用承光

詞同中宗享
孝敬承光

送文舞出迎武舞入

用舒和

詞同太廟

武舞用凱安

詞同太廟

徹俎用雍和

詞同迎俎

送神用永和

詞同太廟

享隱太子廟樂章六首

迎神用誠和

道閔鶴關運纏鳩里門集大命俾歆嘉祀禮亞六瑚誠
殫二簋有誠願若神斯戾止

登歌奠玉帛用肅和

歲肇春宗乾開震長瑤山既寢戾園斯享玉肅其事物

昭其象絃誦成風笙歌合響

迎俎用雍和

明典肅陳神居遂起春伯聯事秋官相禮有來雍雍登歌濟濟緬惟主鬯庶歆芳醴

送文舞出迎武舞入用舒和

三縣已判歌鐘列六佾將開羽鉞分尚想鸞飛來蔽日終疑鶴影降凌雲

武舞用凱安

天步昔將開商郊初欲踐撫戎金陣廓貳極瑤圖闡難
戟遂崇儀龍樓期好善弄兵墮震業啟聖隆祠典

送神用誠和

詞同
迎神

又隱太子廟樂章二首

太樂舊有此
詞不詳所出

迎神

蒼震有位黃離蔽明江克禍結戾據災成銜冤昔痛贈
典今榮享靈有秩奉樂以迎

送神

皇情悼往祀儀增設鐘鼓鏗鎗羽旄昭晰掌禮云備司筵告徹樂以送神靈其鑒闕

章懷太子廟樂章六首

神龍初作

迎神第一

姑洗宮

副君昭象道應黃離銅樓備德玉裕成規仙氣靄靄靈從師師前驅戾止控鶴來儀

登歌酌鬯第二

南呂均之蕤賓羽

忠孝本著羽翼先成寢門昭德馳道為程幣帛有典容

衛無聲司存既肅廟享惟清

迎俎及酌獻第三

大呂羽

通三錫胤明兩承英太山比赫伊水聞笙宗祧是寄禮樂其亨嘉辰薦俎以發聲明

送文舞出迎武舞入第四

蕤賓商

羽籥崇文禮以畢干鉞奮武事將行用捨由來其有致壯志宣威樂太平

武舞作第五

夷則角

綠林熾炎歷黃虞格有苗沙塵驚塞外帷幄命嫖姚七
德干戈止三邊雲霧消寶祚長無極歌舞盛今朝

送神第六

詞同
隱廟

懿德太子廟樂章六首

神龍
初作

迎神第一

姑洗
宮

甲觀昭祥畫堂昇位禮絕羣后望尊儲貳啟誦慙德莊
丕掩粹伊浦鳳翔緹峰鶴至

登歌酌鬯第二

南呂均之
蕤賓羽

譽闡元儲寄崇明兩玉裕雖晦銅樓可想絃誦輟音笙
歌罷響幣帛言設禮容無爽

迎俎酌獻第三

大呂羽

雍雍盛典肅肅靈祠賓天有聖對日無期飄飄羽服掣
曳雲旗眷言主鬯心乎愴茲

送文舞出迎武舞入第四

蕤賓商

八音協奏陳金石六佾分行整禮容滄溟赴海還稱少
素月開輪即是重

武舞作第五

夷則角

隋李昔云終唐年初啓聖纂戎將禁暴崇儒更敷政威
略靜三邊仁恩覃萬姓

送神第六

詞同
隱廟

節愍太子廟樂章六首

景雲
中作

迎神第一

姑洗
宮

儲后望崇元良寄切寢門是仰馳道不絕仙袂雲會靈
旗電晰煌煌而來禮物攸設

登歌酌鬯第二

南呂均之
蕤賓羽

灼灼重明仰承元首既賢且哲惟孝與友惟孝雖遙靈
規不朽祀因誠致備潔玄酒

迎俎及酌獻第三

大呂
羽

嘉薦有典至誠莫愆畫梁雲亘雕俎星睽樂器周列禮
容備宣依俦如在若未賓天

送文舞出迎武舞入第四

蕤賓
商

邕邕闡化憑文德赫赫宣威藉武功既執羽旄先拂吹

還持玉鉞更揮空

武舞作第五

夷則角

武德諒雍雍由來掃寇戎
劒光揮作電旗影列成虹霧
廓三邊靜波澄四海同睿圖
今已盛相共舞皇風

送神第六

詞同隱太子廟

則天大聖皇后崇先廟樂章一首

御撰

先德謙撓冠昔嚴規節素超
今奉國忠誠每竭承家至
孝純深追崇懼乖尊意顯號
恐玷徽音既迫王公屢請

方乃俯遂羣心有限無由展敬奠醑每闕親斟大禮虔
申典冊蘋藻敬薦翹襟

褒德廟樂章五首

神龍中為皇后韋氏
祖考所立詞並內出

迎神用昭德

姑洗宮
二成

道赫梧宮悲盈蒿里爰暢徽烈載敷嘉祀享洽四時規
陳二簋靈應昭格神其戾止

登歌用進德

南呂均之
蕤賓羽

塗山懿戚媯汭崇姻祠筵肇啟祭典方申禮以備物樂

以感神用隆敦叙載穆彞倫

俎入初獻用褻德

大呂角

家著累仁門昭積善瑤筐既列金縣式展

武舞作

昭昭竹殿開奕奕蘭宮啓懿範隆丹掖殊榮闢朱邸六
佾薦徽容三簋陳芳醴萬古覃貽厥分珪崇祖禰

亞獻及送神用彰德

名隆五岳秩暎三台嚴祀以備睟影方廻

舊唐書卷三十一

舊唐書卷三十一考證

音樂志四鳴球香瓚大禧是承○香瓚誤疑是秉瓚臣

德潛

按卷中所載樂舞詳矣及觀通典通考有薦獻

玄元皇帝樂章

不詳撰者

德明興聖皇帝樂章

吏部侍郎李紆撰

穆宗皇帝樂章

中書侍郎牛僧孺撰

敬宗皇帝樂章

中書侍郎韋處厚撰

文宗皇帝樂章

中書侍郎崔珙撰

武宗皇帝樂章

中書侍郎李回撰

宣宗皇帝室舞號懿宗皇帝室舞號僖宗皇帝室舞

號昭宗皇帝室舞號

俱不詳撰者

又有饗讓皇帝樂章

吏部

侍郎李紆撰

惠昭太子樂章

散騎常侍歸登撰

悼懷太子樂章

不詳

撰者莊恪太子樂章

給事中裴泰章撰

祭風師雨師樂章

皆秘書監

包佶撰

武成王樂章

原王傳于邵撰

九宮貴神樂章

不詳撰者

以至

元日冬至皇帝朝會樂章

侍中源乾曜撰

中宮朝會東宮朝

會樂章

皆中書侍郎李義甫撰

大射鄉飲樂章

皆不詳撰者

志中都

未及載今存其名其辭均無可考焉

舊唐書卷三十一考證

欽定四庫全書

舊唐書卷三十二

後晉司空同中書門下平章事劉 昫撰

志第十二

歷一

太古聖人體二氣之權輿蹟三才之物象乃創紀以窮其數畫卦以通其變而紀有大衍之法卦有推策之文繇是歷法生焉殷人用九疇五紀之書周禮載馮相保

章之職所以辨三辰之躔次察九野之吉凶厯代疇人迭相傳授蓋推步之成法協用之舊章暨秦氏焚書遺文殘缺漢興作者師法多門雖同徵鍾律之文共演著龜之說而建元或異積部相懸旁取證於春秋強乂疑於繫象靡不揚眉抵掌謂甘石未稱日官運策播精言裨梓不知天道及至清臺眎祲黃道考祥言縮則盈少中多否否則矯云差算中則自負加時章亥不生憑何質證高齊天保中六月日當蝕朔文宣先期問候官蝕

何時張孟賓言蝕申鄭元偉董峻言蝕辰宋景業言蝕
已是日蝕於申酉之間言皆不中時景業造天保歷則
疎密可知矣昔鄧平洛下閎造漢太初歷非之者十七
家後劉洪蔡伯喈何承天祖冲之皆數術之精粹者至
於宣考歷書之際猶為橫議所排斯道寂寥知音蓋寡
所以張胄玄佩印而沸騰劉孝孫輿棺而慟哭俾諸後
學益用為疑以臣折衷無如舊法高祖受隋禪傅仁均
首陳七事言戊寅歲時正得上元之首宜定新歷以符

禪代繇是造戊寅厯祖孝孫李淳風立理駁之仁均條
答甚詳故法行於貞觀之世高宗時太史奏舊厯加時
寢差宜有改定乃詔李淳風造麟德厯初隋末劉焯造
皇極厯其道不行淳風約之為法時稱精密天后時瞿
曇羅造光宅厯中宗時南宮說造景龍厯皆舊法之所
棄者復取用之徒云革易寧造深微尋亦不行開元中
僧一行精諸家厯法言麟德厯行用既久晷緯漸差宰
相張說言之玄宗召見令造新厯遂與星官梁令瓚先

造黃道游儀圖考校七曜行度準周易大衍之數別成一法行用垂五十年肅宗時韓穎造至德厯代宗時郭獻之造五紀厯德宗時徐承嗣造正元厯憲宗時徐昂造觀象厯其法令存而無計節章之數或異前經而察欽啓閉之期何殊舊法至論徵驗罕及研精綿代流行示存經法耳前史取傅仁均李淳風南宮說一行為四家厯經為厯志四卷近代精數者皆以淳風一行之法厯千古而無差後人更之要立異耳無踰其精密也景龍

歷不經行用世以為非今略而不載但取戊寅麟德大衍三歷法以備此志示於疇官爾

戊寅歷經

己上日自入立秋初日加四千八十分後日減七十六

分

置初日所加之分計後日減之數以減之訖餘以行分法約之為日數及加平見日及分滿行分法又去

之從日一為定見畢於秋分自入寒露日減一百二十

七分

減若不足即一日加行分法及減之為定見日及分後皆放此畢於立冬自入小

雪畢於大雪均減八日初見去日十四度

熒惑平見入冬至初日減一萬六千三百五十四分後
日減五百四十五分畢於小寒自入大寒日加四百二
十六分畢於啓蟄自入雨水畢於穀雨均加二十九日
入立夏初日加一萬九千三百九十二分後日減二百
一十三分畢於大暑自入立秋依平自入處暑日減一
百八十四分畢於立冬自入小雪畢於大雪均減二十
五月初見去日十七度

鎮星平見入冬至初日減四千八百一十四分後日加

七十九分畢於氣盡自入小寒畢於大寒均減九日入
立春均減八日入啓蟄均減七日入雨水均減六日入
春分均減五日入清明均減四日入穀雨畢芒種均減
三日入夏至畢十日內均減二日十日外入小暑畢五
日內均減一日五日外畢於氣盡依平自入大暑日加
一百八十一分畢於立秋自入處暑均加九日自入白
露初日加六十二分後日減一百三十三分畢於寒露
自入霜降日減七十九分畢於大雪初見去日十七度

太白晨平見入冬至依平自入小寒日加六十六分畢
於大寒自入立春畢於立夏均加三日自小滿初日加
一千九百六十四分後日減六十六分畢於芒種自入
夏至依平自入小暑減六十分畢於大暑自入立秋畢
於立冬均減三日自入小雪初日減一千九百六十四
分後日減六十六分畢大寒夕平見入冬至日減一百
分畢於立春自入啓蟄畢於春分均減九日自入清明
初日減五千九百八十六分後日減一百分畢於小滿

自入芒種依平自入夏至日加一百分畢於立秋自入處暑畢於秋分均加九日自入寒露初日加五千九百八十六分後日減一百分畢於小雪自入大雪依平初見去日十一度

辰星晨平見入冬至均減四日自入小寒畢於大寒依

平自入立春畢啟蟄減三日

其在啓蟄氣內去日一十八度外四十度內晨無木

土金一星已上者不見也

自入雨水畢於立夏應見不見

其在立夏氣內去日

度如前晨有木火土金一星已上者亦見之

自入小滿畢於寒露依平自入

霜降畢於立冬加一日自入小雪畢於大雪十二日依
平若在大雪十三日即減一日在十四日減二日在十
五日減三日在十六日減四日夕平見入冬至畢於清
明依平自入穀雨畢於芒種減二日自入夏至畢於大
暑依平自入立秋畢於霜降應見不見其在立秋及霜降二氣之內夕
有星去日如自入立冬畢於大雪依平初見去日十七
前晨者亦見
度

行五星法

各置星定見之前夜半日所在宿度筭及分各以定見
去朔日筭及一分加之小分滿法十四分從行分一行
分滿法六百七十六分從度一又以星初見去日度數
晨減夕加之命度以次即星初見所在度及分自此已後皆棄
此小分也

求次日術

各加一日所行度及分其火金之行而有小分者各以
日率為母小分滿其母去從行分一行分滿法去從度

一其行有益疾遲者副置一日行
分各以其差疾益遲損乃加之
留者因前退則減之
伏不注度順行出斗去其分行入斗先加分訖皆以二
十六副行分為度分

歲星初見順日行一百七十六分五十秒日益遲一分
一百一十四日行十九度二百九分而留二十八日乃
退日九十七分八十四日退十二度五十分又留二十

六日五百九十六小分七四分

即以初定見日分而加之若滿行分法即去之

從月去之

乃順初日行六十分日益疾一分一百十四

日行十九度四百三十七分而伏

熒惑初見入冬至初率二百四十一日行一百六十三

度

已後二日損日及度各一

盡一百二十八日率一百七十七日行

九十九度

畢一百六十一日皆同已後三日損日及度各一

盡一百八十二日

率一百七十日行九十二度

畢一百八十八日皆同已後三日益日及度各一

盡二百二十七日率一百八十三日行一百五度

已後二日

益日及度各一

盡二百四十九日率一百九十四日行一百一

十六度

已後一日益日及度各一

盡三百一十日率二百五十五日

行一百七十七度

畢三百三十七日皆同已後二日損

盡三百六十五日

復二百四十一日行一百六十三度見入小寒已後三日去日率一畢於啓蟄自入雨水畢於立夏均去日率二十自入小滿初去日率二十以次三日去十九日去十八以次三百去一日畢於小暑即依平為定日之率若入處暑畢於秋分皆去度率六各依冬至後日數而損益之又依所入之氣以減之名為前疾日數及度數之率若初行入大寒畢於大暑皆差行日益遲一分

其餘皆平行若入白露畢於秋分初日行半度四十日

行二十度

即去日率四十度率二十別為半度之行訖然後求平行之分以續之平行分者置定行

度率以分法乘之以定日率除之所得即平行一日之分不盡為小分求差行者置日率之數減一訖又半之

加平行一日之分為初日行分各盡其日度而遲初日行三百二十六

分日益遲一分半六十日行二十五度五分

其前疾去度六者此

遲初日加六十七分小分三十六小分滿六十去之從行分一即六十日行三十一度分同

而留十

二日

前去日分日於二留奇後從後留

乃退日一百九十二分六十日

退十七度二十八分又留十二日六百二十六分小分

三十分

亦如初定見之分滿去如前

又順後遲初日行二百三十八

分日益疾一分半六十日行二十五度三十五分

此遲在立

秋至秋分者加一日行六十七小分三十六滿去如前即六十日行三十一度分同也

而後疾入

冬至初率二百一十四日行一百三十六度

已後一日損日及度

各一盡三十七日率一百七十七日行九十九度

已後二日損日

及度各一盡五十七日率一百六十七日行八十九度

畢七十九

日皆同已後三日益日及度各一

盡一百三十日率一百八十四日行

一百六十度

已後二日益日及度各一

盡一百四十四日率一百九

十一日行一百一十三度

已後一日益日及度各一

盡一百九十日

率二百三十七日行一百五十九度

已後一日益日及度各一

盡二

百一十日率二百六十七日行一百八十九度

畢二百五十九

日皆同已後二日損日及度各一

盡三百六十五日復率二百一十四日

行一百三十六度後遲加六度者此後疾去度率六為

定度各依冬至後日數而損益之為後疾日及度之率

若入立夏於夏至日行半度盡六十日行三十度若入

小暑於大暑盡四十日行二十度

皆去日及度之率別為半度之行訖然後

求平行之各盡其日度而伏

鎮星初見順日行六十分八十三日行七度二百四十

八分而留三十八日乃退日四十一分一百日退六度

四十四分又留三十七日六十一分小分四

亦以初定見日分加

之滿去如前乃順日行六十分八十三日行七度二百四十

八分而伏

太白晨初見乃退日一度半十日退十五度而留九日

乃順遲差行先遲日益疾八分四十日行三十度

若此遲入

大雪已後畢於小滿即依此為定而求行分自入芒種
十日減一度為定度畢於夏至自入小暑畢於霜降均
減三度自入立冬初日減三度後十日減一度畢於霜
降小雪皆為定度求一日行分者以行分法乘定度以
四十餘之為平分不盡為小分又以平行日一度十五
四乘三十九以減平分為初日行分
日行十度
若此平行入小寒後十日益日及度各一畢
於啓蟄自入雨水之氣皆二十一日行二十
一度自入春分後十日減一畢於立夏即十五日自入
處暑畢於寒露即無此平行自入霜降即四日益一畢
於大雪後十五**疾百七十日行二十四度**
前順遲減度者計所減之
日行十五度
數以益此度為定度求一日行度及分者以百七十日
減度數餘行以分法乘以百七十餘之所得為之日平
行度
晨伏東方夕初見順疾百七十日行二日
畢於立夏依此

順疾入冬至已後畢於立夏依此率為定自入小滿六日加一度自入大暑初畢於芒種自入夏至畢於小暑均五度自入大暑初加五度後三日減一度畢於氣盡自入立秋畢於大雪還依本率從白露畢春分皆差行先疾日益遲一分半自入清明畢於處暑並平行同晨疾求差行者半一百六十九乃以一分半乘之以加平行分為初日

平行日一夜十五日行十五度

此平行入冬至後十

行度分也

日減日及度各一畢於立春自入啓蟄畢於芒種皆均九日行九度自入夏至後五日益一畢於小暑自入大暑畢於氣盡皆十五日行十五度自入立秋後六日一畢於小雪自入大雪畢於氣盡皆十五日行十五度者也

順遲差行先疾日益遲八分四十日行三十度

前加度者

此依數減之求一日行分

又留九日乃退日半度十日

如晨遲準減者為加之

退五度而夕伏西方

辰星晨初見留六日順遲日行一百六十九分四日行

一度

若初見入大寒畢於啓蟄之內即不須此遲行

平行日一度十日行十度

此平行若入大寒已後二日去日及度各一畢於二十日日及度俱盡即無此平行

疾日行一度

六百九十分十日行十九度六分

前無遲行者此疾日減二百三分十日行

十七度四分

晨伏東方夕初見順疾日行一度六百九分十

日行十九度六分

此疾者入小暑畢於處暑之內日減二百三分十日行十六度四分

平

行日一度十日行十度

此平行若入大暑已後於二日去日及度各一畢於二十日日

及度俱盡即
無此平行

遲日行一百六十九分四日行一度

若疾減二

百三分者即
不須此遲行

又留六日九分夕伏西方

推交會

交會法一千二百七十四萬一千二百五分 交分法

六百三十七萬六百二十九分 朔差一百八萬五千

四百九十二分 望分六百九十一萬三千三百五十

分 交限五百八十二萬七千八百五十八分望差五

十四萬二千七百四十一分 外限六百七十六萬七

百八十二九分 中限一千二百三十五萬一千二十八分 內限一千二百一十九萬八千四百五十八七分 交時法二萬九千一十八分

推交分術

置入上元已來積月以交會法去之餘以朔差乘之滿交會法又去之

仁均本術武德年加交差七百七十五萬五千一百六十四分

餘為所

求年天正朔入平交分求望平交分術以望分加之滿去如前為平分次月平分術其朔望入冬至氣內依平

為定若入小寒已後日加氣差一千六百五十分畢於

立春自入啓蟄畢於清明均加七萬六千一百分後日

減一千六百五十分畢於小滿

置初日所加之分計後日減之數以減至餘以

加平自入芒種畢於夏至依平為定加之滿交會法即

去餘為定交分

其朔入交分若入小寒畢於雨水及立夏畢於小滿值盈二時已下皆半氣差

而加之二時已上皆不加其朔入時交分如望差分已下外限已上有星伏木土去見十日外火去見四十日

外金晨伏去見二十二日

外有一星者不加氣差其朔望入小暑已後日減氣

差一千二百分畢於處暑自入白露畢於霜降均減九

萬五千八百二十分自入立冬初日減六萬三千三百

分後日減二千一百一十分畢於小雪

置初日所減之分計後日減之

數以減之餘以減平交分也

自入大雪亦依平為定減若不足者加

交會法乃減之餘為定交分

其朔入交分如交限內限已上交分中限已下有星

伏如前者不減氣差

推道在內外及先後去交術其定交分不滿

交分法者為在外道滿去之餘為在內道其餘如望差

已下

即是以去先交分以時法約之得一為去先交時數

交限已上

即以減交分法餘為去後

交分亦以時法約之為時數

望則月蝕也其朔在內道者朔則日蝕

雖或在內道去交而遠在
外道去交而近亦為蝕也

推月蝕加時術

置有蝕之望定小餘若入厯一日即減二百八十若十
五日即加之若入十四日即加五百五十若二十八日
即減之自入諸日值盈皆加二百八十值縮皆減之為
定餘乃以十二乘之以時法六千五百三除之所得為
半辰之數命以子半起算外即所在辰
初命子半以一
算自後皆以二
算為不盡為時餘若時餘在辰半之前者乃倍之如法

無所得為辰初又以三因之如法得一名為強若得強

若得二強即名少弱若倍之如法得一為少

凡四分一為少二為

半三為太

又不盡者三之如法得一名為強若得二強者即

名為半弱若時餘在辰半之亦倍之如法無所得為正

在辰半以三因之如法得二名為強即名半強若得二

強即名太弱若倍之法得一為太不盡者又三之如法

得一為強即名太強若得者又二強者為辰未亦可前

辰名之

月在衝上蝕日出後入前各一時半外不注蝕

推日蝕加時術

置有蝕之朔定小餘

若入厯一日日即減三百八十五日即加之若入十四日即加之日

五十入二十八日即減之以為定自後不入四時加減之限

春三月內道去交四時

已上入厯值盈加二百八十值縮反減之夏三月內道
值盈加二百八十值縮反減之秋三月內道去交十一
時已下值盈加二百八十值縮不加十一時已上值盈
加五百五十值縮不加一百八十冬三月內道去交五
時已下值盈加二百八十值縮不加皆為定餘乃以十二

乘之以時法除之所得半辰之數命以子半起算外即

所在辰

命辰如前法

不盡為時餘別置為副若入仲辰半前

即以副減法餘為差率若在半後即退其半辰還以法
加餘即以副為差率若入季辰半前即以法加副而為
差率若在半後即其半辰還以法加餘乃倍法以加副
而為差率若入孟辰半前即三因其法而以副減之餘
為差率若半後即退其半辰還以法加餘又以法加副
乃因其法而副減之為差率又置去交時數三已下加

二三六已下加九已下加一九已上依數十二以上從

十二以乘差率

若在季辰半後孟辰半前去交六時以上者皆從其六以乘差率六時已下自

依數不須加

如十四得一為時差子半至卯半至酉半以加

餘加之若滿卯半午酉半子半以減時餘加之若滿時
法者乃去之加於辰即進之於前也減之若不足者減
半辰加時法乃減之即退之於後也餘為定時餘乃如
月蝕法子午卯酉為仲辰戌丑未為季寅申巳亥為孟

日出前後各一時
半外不注日蝕

推內道日不蝕術

夏五月朔加時在南方三辰先交十三時外六月朔後交十三時外者不蝕啓蟄畢清明先交十三時外值縮加時在未巳酉者亦不蝕入處暑畢寒露後交十三時值盈加時在巳己東者亦不蝕

推外道日蝕術

不問交之先後但去交一時內者皆蝕也若先交二時內者值盈二時外者亦蝕若後交時內值縮二時外者亦

蝕其夏去交二時在南方三辰者亦蝕若去分至十二時內去交六時內者亦蝕若去交春分三日內後交二時內者亦蝕秋分三日內先交二時內者亦蝕諸去交三時內星伏如前者亦蝕

推月蝕分術

置去交分其在冬先後交皆去不蝕分二時之數若在於春先交去半時後交去二時夏即依定若在於秋先交去二時後交去半時若不足去者蝕既乃以三萬六

千一百八十三為法除之所得為不蝕分不盡者半法已上為半強已下為半弱而以減十五餘為蝕之大分

推月蝕所起術

若在外道初起東北蝕甚西北若在内道初起東南蝕

甚西南十三分已上正東起

推皆據正南而言

推日蝕分術

置去交分若入冬至已後畢於立春皆均減二十二萬八百分餘為不蝕分不足減者反以交分減之餘為不蝕分

亦減望差為定法其後交值縮者直以望差為定法不

須減之自入啓蟄初日減二十二萬八百分後日減一

千八百一十分

置初日所減之分計後日減之數以減之餘以減交分

畢於芒種

自入夏至日減二千四百分畢於白露自入秋分畢於

大雪皆均減二十二萬八百分但不足減者皆如前及

以交分減之訖皆為不蝕若入冬至畢於小寒不蝕分

依定若入大寒畢於立夏去後交五時外皆去不蝕分

一時時若值減者先交減之後交加之不足減者蝕既

時差值加者先交加之後交減之不足減者蝕既乃為定分以十五乘之以定法除之所得為不蝕分不盡者半法已上為半強已下為半弱而以減十五餘為蝕之大分也

推日蝕所起術

若在外道初起西南蝕甚東南若在內道初起西北蝕甚東北十三度已上正西起

亦據正南而言之

日出

日入

冬至

辰

二十四分
之二十

申

七刻十
二分

小寒

辰

十三分

申

七刻十
九分

大寒

卯

八刻
七分

酉

一分

立春

卯

七刻十
一分

酉

二分十
一分

啓蟄

卯

六刻
十分

酉

二刻二
十分

雨水

卯

五刻
五分

酉

三刻
三分

春分

卯

三刻二
十分

酉

四刻
十分

清明

卯

二刻十
五分

酉

五刻十
七分

穀雨

卯

一刻十分

酉

六刻二十一分

立夏

卯

十二分

酉

七刻二十分

小滿

寅

八刻一分

戌

七分

芒種

寅

七刻四分

戌

八分

夏至

寅

七刻二分

戌

二十分

小暑

寅

七刻

戌

十八分

大暑

寅

八刻

戌

關

立秋

卯

十一分

酉

七刻二十一分

處暑

卯

一刻十分

酉

六刻二十一分

白露

卯

七刻十分

酉

一刻二十二分

立冬

卯

七刻十一分

酉

二刻二十分

小雪

卯

七刻七分

酉

一刻一分

大雪

辰

十三分

申

七刻十九分

求日出入所在術

以所入氣辰刻及分與後氣辰刻及分相減餘乘入氣日筭以十五際之所得以加減所入氣為定日出入從

冬至至夏至日出減之日入加之從夏至至冬至日出加之日入減之入餘為定刻及分

武德九年五月二日校厯人前厯博士臣南宮子明

校厯人前厯博士臣薛弘疑

校厯人算厯博士臣王孝通

監校厯大理卿清河縣公崔善為

夜漏半

右依武德元年經加於漏刻日出沒二十四氣下

推月蝕加時術

右加有蝕之望以百刻乘定小餘日法而一以課所近氣不滿夜半者命日以甲子算上注厯

推月蝕虧初復滿先造每箭更籌用刻

倍月蝕日所入氣夜漏半二十五而一為籌刻分亦注於厯下

日蝕分用刻率

置月蝕分

蝕一分

用三刻

二分

用四刻

三分

用五刻

四分

用六刻

五分

用八刻

六分

用九刻

七分

用十刻

八分

用十一刻

九分

用十三刻

十分

用十四刻

十一分

用十五刻

十二分

用十六刻

十三分

用十七刻

十四分

用十九刻

既

用二十刻

推日月蝕加時定刻術

置日月蝕加時定餘在辰半後者加時法於時餘以二十五乘之三萬九千一十八而一刻命刻算外即所入辰刻

求虧初復滿術

置蝕分用刻率副之以乘所入厯損益率四千五十七

而一值盈感損加值縮依其損益副為蝕定用刻數乃六乘之十而一以減蝕加時辰刻為虧初丈四乘餘之用刻數十而一以加蝕加時辰刻為復滿

求所蝕夜初甚末更籌刻術

因其日日所入辰殘刻及分依次加辰刻及分至蝕初辰刻及分減二刻十二分從其更用刻及分除之不滿更即初蝕更籌以所求得至甚刻加之命即甚依求得甚後刻數加之命即末更籌刻及分

日出前後滿日入後初虧皆不注蝕

二十四氣

日出

日入

夜漏半

一更

一籌

冬至

辰

二十四分
之二十

申七刻

十二分

二十七刻

十二分

十刻

二刻

四分

小寒同大雪

辰

十三分

申七刻

九分

二十七刻

五分

十刻

二十分

二刻

四分

大寒同小雪

卯八刻

七分

酉八分

一分

二十六刻

十五分

十刻

十五分

二刻

二分

立春同立冬

卯七刻

十二分

酉二分

二十分

二十五刻

十五分

十刻

七分

二刻

一分

啓蟄同霜降

卯六刻

十分

酉二分

二十分

二十四刻

八分

九刻

十分

一

刻

雨水同寒露

卯五刻

五分

酉三分

三十分

二十三刻

十三分

九刻

十分

一

刻

春分同秋分

卯三刻

二十分

酉四刻

十分

二十二刻

十分

八刻

二十分

一

刻

清明同白露

卯二刻_{十五分}

酉五刻_{十七分}

子刻_{二十分}

八刻_{八分}

一刻_{十六分}

穀雨同處暑

卯一刻_{十分}

酉六刻_{二十分}

九刻_{十九分}

七刻_{二十一分}

一刻_{十四分}

芒種同秋分

卯_{十分}

酉七刻_{二十分}

六刻

闕刻_{十六分}

一刻_{十一分}

小滿同大暑

寅八刻_{一分}

戌_{七分}

六刻_{一分}

七刻_{五十分}

一刻

芒種同小暑

寅七刻_{十四分}

戌_{十八分}

七刻_{十四分}

七刻

一刻_{九分}

夏至

寅七刻_{十二分} 戌_{二十分}

七刻_{十四分}

七刻

一刻_{九分}

舊唐書卷三十二

舊唐書卷三十二考證

厯志一強乚疑于繫象。乚應作稽

是日蝕于申酉之間。臣召南按此見隋志申酉舊本

訛申卯非也今据隋志改正

但取戊寅麟德大衍三厯法以備此志。臣召南按傳

仁均所造行四十六年李淳風所造行六十三年一

行所造行三十四年此志僅載三家之術至五紀貞

元宣明三厯則新書志具載其法

戊寅厯經○舊本連接前序非是今提行

已上日自入立秋云云○臣召南按舊本即以此文連

接戊寅厯經大誤蓋日自立秋以上脫歲星平見入
冬至初日云云凡五六十字此易見者也凡序厯法
首以上元積年次以日月纏度次以氣朔盈虛然後
及於五步此段以上脫文殆不止千言矣新書可証
今於此文上指明闕文俾一覽瞭然

置有蝕之朔定小餘○

臣德潛

按厯法有大餘小餘太

初以下皆然舊本凡大小餘俱作蝕非也今改

武德九年五月云云○此文疑應在卷末新書可証

舊唐書卷三十二考證